

Document programatic d'Unitat d'Aran.

Unitat d'Aran se considèra un partit progressista, aranesista e de clares conviccions ena defensa des drets nacionaus d'Aran, atau coma ena afirmacion dera sua cultura pròpia e deth sòn estatus politic diferenciat en Catalonha.

En aquest sentit, Unitat d'Aran trebalharà en apregondiment deth procès autonomic aranés.

Unitat d'Aran ei tanben un partit municipalista que considèra es municipis part fundamentau dera division administrativa deth nòste país, en tot entené-les coma pèces claus deth procès de descentralizacion dera administracion autonmica e estatau.

Es objectius politics d'Unitat d'Aran son basadi ena volentat d'arténher ua societat més justa e igualitària que permete er accés de toti es individus as drets basics tà ua vida digna, ei a dider, dera educacion, dera sanitat publica e dera igualtat d'oportunitats, sense qu'era apertienença a ua classe sociala determinada, n'era manca de recorsi economics sigue motiu de discriminacion sociala.

Superat eth moment istoric de negociacion e aprobacion dera "Lei d'Aran", Unitat d'Aran a iniciat un nau procès d'impuls d'iniciatives politiquas non estrictament vinculades ara reivindicacion nacionau, per enténer qu'eth procès constituent ei dejà iniciat, maugrat era tebesa damb qué lo desvolope eth partit governant, Convergència Democratica Aranesa.

Unitat d'Aran cercarà un posicionament politic que li permete actuar enes ambits socials, economics, mieiambientaus e ath madeish temps, de mantier ua postura actiua en prorocès de desenvolopament e aplicacion dera Lei d'Aran. Unitat d'Aran vetlharà tanben per un desenvolopament racionau deth nòste territòri, tot susvelhant qu'eth procès de repartiment de riquesa sigue çò més democratic possible.

Era conviccion e era volentat de participar ena construccion d'un projècte de progrès tà Catalonha an hèt que, dempús 1990, Unitat d'Aran e eth PSC agen convergit en un projècte comun qu' a cristalizat ena formacion de listes conjuntes enes eleccions municipaus de 1999 damb ua formula de coalicion de partits.

Ei volentat d'aquest partit continuar aquesta collaboracion, segontes demore reflectit en anèx d'aquest document qu'establis eth marc de relacion damb eth Partit dels Socialistes de Catalunya.

Unitat d'Aran ratifique atau era sua voluntat de mantier un perfil politic pròpi que concrète era diferència d'un territòri damb cultura, lengua e identitat pròpia se ben aquesta organitsacion vò huger d'un localisme endogamic que l'impedisque participar ena vida política catalana, espanhola o europea. E ei en aquest sentit, que en darrèr congrés d'aquest mileni, Unitat d'Aran s'aprèste a iniciar ua etapa de decidida contribucion enes objectius adés senhaladi que mos han de permeter era construccion d'un Aran e d'ua Catalonha més justa e progresista.

Aran 6/11/99